

Aditu zutenean
 Chikiratzallea,
 Oju egiten dute,
 ¡Len baño obea!
 Eta aditurika
 Gero mutikoa,
 ¡Fuera, fuera! esanaz,
 Jendea an dijoa.
 Galtzarbe sare bat du
 Mutillak agertzen,
 Eta cherrikume bat
 Die erakusten,

Esaten dielarik,
 Chimurchi batekin
 Ez nik, mutiko onek
 Dik gurrinka egin.
 Zuek diozutenez,
 Chikiratzalleak
 Egin dizkik gurrinka
 Onek baño obeak.
 Erriak bazinduzte
 Zuek buruzagi,
 Ez uke justiziya
 Ibilliko gaizki.

OTSOA ETA ARKUMEA.

Arkume bat juan zan bein
 Erreka batera,
 Egarritu zalako,
 Ura edatera;
 Irteten da otso bat
 Aurreko menditik,
 Jartzen zayo edaten
 Garaiko aldetik.
 Bildocha zegoan chit
 Mardul, biribilla;
 Asko ibiltzen gera
 Alakoen billa.
 Asten zayo otsoa
 Ojuka esaten:
 Mutill, ¿zertan ari aiz
 Ur guztia loitzen?
 Jauna: dio bildochak

Naita ere urik
 Ezin zikin nezake
 Nik beko aldetik;
 Ikus beza berorrek,
 Baldin badu gura,
 Or goitik emen bera
 Datorrela ura.
 Ala dék, dio, baña
 Orainche urte bi,
 Zikindu idan arras
 Ura emen niri.
 ¿Nola izan diteke,
 Arkumeak dio,
 Baldiñ orain urte bi
 Ez banintzan jayo?
 Arrazoi dek, otsoak
 Dio eranzuten,

Orainche asitzen nak
Kontuan erorten;
Ire anaya uen,
Bai, ire anaya,
Oroitzen nak ni zala
Egun ura jaya.
Ez da, dio bildochak,
Orrelako gauzik,
Ez det, jauna, nik izan
Sekulan anairik.
Ire amak orrela
Bear zian izan,
Erantzunaz, otsoa

Lasterka asi zan
Bildocharen ondotik,
Ta nai zuen egín
Milla puska gaišoa
Lau letagiñakin.
Eltzera dijoala
Bertan da azaltzen
Eiztari bat, eta du
Bi balaz pasatzen.
Onela kendu zizkan
Gure Jaungoikoak
Otsoari bildocha
Jateko gogoak.

